



Suruhanjaya Komunikasi dan Multimedia Malaysia
Malaysian Communications and Multimedia Commission
Off Persiaran Multimedia
63000 Cyberjaya, Selangor Darul Ehsan
Malaysia
Tel: +60 3 8688 8000 Fax: +60 3 8688 1000

Website : www.mcmc.gov.my

Kenyataan Media

Press Release

Untuk Siaran Segera

PUSAT INTERNET 1MALAYSIA PASTIKAN PENDUDUK PULAU TIOMAN TERHUBUNG

PULAU TIOMAN, 30 April 2015 --- Penduduk di Pulau Tioman, Rompin kini dapat menikmati kemudahan jalur lebar dengan terbinanya Pusat Internet 1Malaysia (PI1M) yang dijayakan oleh Suruhanjaya Komunikasi dan Multimedia Malaysia (MCMC).

PI1M dilaksanakan oleh MCMC di bawah Program Pemberi Perkhidmatan Sejangat atau lebih dikenali sebagai USP (*Universal Service Provision*). Fokus PI1M adalah untuk memberi perkhidmatan capaian internet secara kolektif kepada masyarakat setempat di kawasan yang kurang liputan perkhidmatan.

PI1M yang dilaksanakan di Kampung Tekek, Pulau Tioman itu merupakan pusat yang ke-8 dibangunkan di daerah Rompin. Tujuh lokasi yang lain terletak di Bandar Muadzam Shah, Felda Selancar 5, Felda Keratong 10, Felda Keratong 2, Kg Simpang Sepayang, Kg Pianggu, dan Felda Selendang 1. Jumlah keseluruhan PI1M yang telah dibangunkan di Pahang sehingga kini ialah sebanyak 90 pusat yang mana 80 sedang beroperasi dan pembinaan 10 lagi masih dalam pelaksanaan.

Kewujudan PI1M membolehkan masyarakat luar bandar memperoleh kemudahan yang sama taraf seperti di bandar. Ini kerana PI1M dilengkapi dengan sambungan internet jalur lebar berkelajuan sekurang-kurangnya 4 megabit sesaat (Mbps) dan perkakasan IT yang terkini. PI1M menyediakan akses kepada komuniti luar bandar dengan memberi pendedahan teknologi ICT kepada penduduk luar bandar dan seterusnya dapat membantu mereka untuk memanfaatkan kemudahan internet untuk meningkatkan taraf hidup mereka.

Pelancaran tersebut dirasmikan oleh Dato' Sri Ahmad Shabery Cheek, Menteri Komunikasi dan Multimedia dengan diiringi wakil-wakil dari MCMC dan Jabatan Kerajaan peringkat negeri dan daerah, syarikat perkhidmatan komunikasi, ketua-ketua kampung, JKKK dan komuniti setempat.



Suruhanjaya Komunikasi dan Multimedia Malaysia
Malaysian Communications and Multimedia Commission
Off Persiaran Multimedia
63000 Cyberjaya, Selangor Darul Ehsan
Malaysia
Tel: +60 3 8688 8000 Fax: +60 3 8688 1000

Website : www.mcmc.gov.my

Kenyataan Media

Press Release

TAMAT

Mengenai Suruhanjaya Komunikasi dan Multimedia Malaysia (MCMC)

MCMC adalah sebuah badan berkanun ditubuhkan di bawah Akta Suruhanjaya Komunikasi dan Multimedia Malaysia 1998 yang melaksana dan mempromosikan matlamat dasar kebangsaan Malaysia bagi sektor komunikasi dan multimedia. MCMC mengawalselia dan menggalakkan pembangunan industri komunikasi dan multimedia yang merangkumi bidang telekomunikasi, penyiaran, dan juga aktiviti dalam talian, perkhidmatan pos dan pensijilan digital. Akta Komunikasi dan Multimedia mengadakan peruntukan kepada MCMC peranan melaksanakan dasar, manakala dasar membuat keputusan adalah diperuntukkan kepada Menteri. Menteri boleh juga mengeluarkan arahan mengenai dasar kepada Suruhanjaya.

Untuk maklumat lanjut, layari www.mcmc.gov.my dan untuk penjelasan lanjut, sila hubungi:

Tel: +603 8688 8000 Faks: +603 8688 1007 E-mel: scd@cmc.gov.my